

ՊԱՅՄԱՆԱԳԻՐ
ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԾԱՌԱՅՈՒԹՅԱՆ ՄԱՏՈՒՑՄԱՆ ԵՎ
ԷԼԵԿՏՐԱԿԱՆ ԷՆԵՐԳԻԱՅԻ ԵՐԱՇԽԱՎՈՐՎԱԾ ՄԱՏԱԿԱՐԱՐՄԱՆ
(Հրապարակային օֆերտա)

Բաշխողը
(Երաշխավորված
մատակարարը)՝

(կազմակերպության անվանումը, գտնվելու վայրը)

ի դեմս

_____,

(անունը, ազգանունը, պաշտոնը, լիազորված լինելու դեպքում լիազորագրի
տվյալները)

որը գործում է _____

(գործունեությունը կարգավորող փաստաթղթի
անվանումը)

հիման վրա, մի
կողմից,

և մյուս կողմից սպառողը, այսուհետ համատեղ կոչվելով կողմեր, ղեկավարվելով «Էներգետիկայի մասին» օրենքով, այլ օրենքներով, Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ Հանձնաժողով) հաստատած՝ էլեկտրաէներգետիկական մանրածախ շուկայի առևտրային կանոններով (այսուհետ՝ առևտրային կանոններ), էլեկտրաէներգետիկական բաշխման ցանցային կանոններով (այսուհետ՝ ցանցային կանոններ), սույն պայմանագրով և այլ իրավական ակտերով, կնքում են սույն պայմանագիրը, որը հանդիսանում է հրապարակային օֆերտա և գործում է ստորև շարադրված և սպառողի կողմից Հանձնաժողովի հաստատած օրինակելի ձևին համապատասխան ներկայացված ակցեպտում (այսուհետ՝ ակցեպտ) ներառված պայմաններով:

1. ՊԱՅՄԱՆԱԳՐԻ ԱՌԱՐԿԱՆ

1. Պայմանագրի համաձայն՝ բաշխողը սպառողին բաշխում է վերջինիս կողմից մատակարարից կամ երաշխավորված մատակարարից գնված էլեկտրական էներգիան, ինչպես նաև սույն պայմանագրի համաձայն իրականացում է էլեկտրական էներգիայի երաշխավորված մատակարարում, իսկ սպառողը վճարում է իրեն մատուցված բաշխման ծառայության, ինչպես նաև երաշխավորված մատակարարման դիմաց:

2. ԿՈՂՄԵՐԻ ՀԻՄՆԱԿԱՆ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2. Բաշխողը պարտավոր է՝

- 1) Սպառողի սպառման հասցեում բաշխել Հայաստանի Հանրապետության նորմատիվ իրավական ակտերով սահմանված որակի էլեկտրական էներգիա.
- 2) առևտրային կանոններով սահմանված ժամկետում հանրապետական սփռման առնվազն մեկ հեռուստաընկերության միջոցով հայտարարել սույն կետի 3-րդ ենթակետով նախատեսված տեղեկատվությունը նույն ենթակետում նշված սպասարկման կետերում այն հասանելի դարձնելու օրը.
- 3) առևտրային կանոնների համաձայն՝ ներկայացնել հաշվարկային փաստաթղթեր՝ մատուցված բաշխման ծառայության և (կամ) երաշխավորված մատակարարի կողմից մատակարարված էլեկտրական էներգիայի քանակի և արժեքի համար՝ առևտրային կանոններով նախատեսված դեպքում և կարգով այդ տեղեկատվությունը տեղակայելով իր հետ պայմանագիր կնքած Հայաստանի Հանրապետությունում գործող բանկերի, վճարահաշվարկային կազմակերպությունների, փոստային բաժանմունքների սպասարկման կետերում.
- 4) առևտրային կանոնների համաձայն՝ առևտրային հաշվառքի սարքով գրանցել սպառողի սպառած էլեկտրական էներգիայի քանակը և սպառողին ներկայացնել մատակարարի կողմից մատակարարված էլեկտրական էներգիայի քանակի մասին տեղեկատվություն.
- 5) ապահովել առևտրային հաշվառքի սարքի վրա սպառողի կողմից դրված կնիքի ամբողջականությունը.
- 6) ցանցային կանոններով սահմանված ժամկետում և կարգով իրականացնել սպառողի առևտրային հաշվառքի սարքի ապահովաքակցում և փոխարինում՝ այդ մասին զգուշացնելով սպառողին և համաձայնեցնելով գործողության ժամկետը, ինչպես նաև կազմելով և սպառողին ներկայացնելով համապատասխան ակտ,
- 7) ցանցային կանոններով սահմանված ժամկետում և կարգով ապահովել առևտրային հաշվառքի սարքի ճշտության ստուգում, այդ մասին զգուշացնելով սպառողին և համաձայնեցնելով գործողության ժամկետը, ինչպես նաև կազմելով և սպառողին ներկայացնելով ստուգման արդյունքների վերաբերյալ համապատասխան եզրակացություն.
- 8) իր միջոցների հաշվին կատարել առևտրային հաշվառքի սարքի աշխատանքի ճշտության ստուգման հետ կապված բոլոր ծախսերը՝ բացառությամբ ցանցային կանոններով նախատեսված դեպքերի.

- 9) ցանցային կանոններով սահմանված դեպքերում և ժամկետում ստուգել և ճշգրտել էլեկտրոնային առևտրային հաշվիչի ժամերն այնպես, որ դրանք ճշգրիտ հաշվառեն Հանձնաժողովի կողմից սահմանված՝ գիշերային և ցերեկային ժամերին սպառված էլեկտրաէներգիայի քանակությունները.
- 10) սպառողի դիմումի հիման վրա կամ իր նախաձեռնությամբ ցանցային կանոններով սահմանված դեպքերում և կարգով փոխարինել սպառողի առևտրային հաշվառքի սարքը.
- 11) առևտրային կանոնների համաձայն՝ սպառողի դիմելու դեպքում շուրջօրյա գործող _____ հեռախոսահամարով, ինչպես նաև բաշխողի սպասարկման կետերում սպառողին տրամադրել տեղեկատվություն կամ պարզաբանում վերջինիս հարցադրումների՝ ներառյալ էլեկտրամատակարարման ընդհատումների, դադարեցումների պատճառների և վերականգնման ժամկետների, մատուցված բաշխման ծառայության և (կամ) երաշխավորված մատակարարի կողմից մատակարարված էլեկտրական էներգիայի արժեքի և քանակի, վճարման ժամկետների, մատակարարի կողմից մատակարարված էլեկտրական էներգիայի քանակի, և սպառողի իրավունքների ու պարտականությունների և այլնի վերաբերյալ.
- 12) առևտրային և ցանցային կանոններով սահմանված ժամկետում սպառիչ կերպով պատասխանել սպառողի բանավոր դիմումին՝ բանավոր, գրավոր դիմումին՝ գրավոր, իսկ էլեկտրոնային փոստով ստացված դիմումին՝ էլեկտրոնային փոստի միջոցով.
- 13) սպառողին տեղեկացնել էլեկտրամատակարարման պլանային և արտապլանային ընդհատումների ու վերականգնման ժամկետների մասին՝ ցանցային կանոններով սահմանված ժամկետում և կարգով.
- 14) սպառողի դիմումի հիման վրա առևտրային (վերստուգիչ) հաշվիչի էլեկտրական էներգիայի հաշվառման և վերահսկման ավտոմատացված համակարգում վերջինիս համար բացել անձնական էջ և տրամադրել մուտքի անուն և գաղտնաբառ.
- 15) առևտրային կանոնների համաձայն՝ երաշխավորված մատակարարման շրջանակում սպառողին էլեկտրական էներգիա մատակարարել այն բոլոր դեպքերում, երբ՝
 - ա. վերջինս չի օգտվում որևէ այլ մատակարարի ծառայությունից,
 - բ. իր ընտրած մատակարարի կողմից էլեկտրական էներգիայի մատակարարում չի իրականացվում՝ սպառողից անկախ պատճառներով, կամ
 - գ. սպառողը հանդիսանում է խոցելի սպառող և որին էլեկտրաէներգիա պետք է մատակարարի միայն երաշխավորված մատակարարը:

3. Բաշխողն իրավունք ունի՝

- 1) դադարեցնել սպառողին բաշխման ծառայության մատուցումը և (կամ) էլեկտրամատակարարումը առևտրային և ցանցային կանոններով սահմանված դեպքերում և կարգով.
- 2) ցանցային կանոնների համաձայն առևտրային հաշվիչը ապահավաքակցել առանց սպառողին նախապես ծանուցելու, եթե հայտնաբերել է, որ սպառողն

էլեկտրաէներգիան սպառում է առևտրային հաշվիչի ակնհայտ խախտմամբ կամ առևտրային հաշվիչի հետագա շահագործումը կարող է վնաս հասցնել մարդկանց կյանքին, առողջությանը, գույքին կամ շրջակա միջավայրին:

- 3) սպառողի կողմից առևտրային հաշվառքի սարքի ճշտության ստուգումը նման իրավասություն ունեցող այլ կազմակերպությունների պատվիրելու դեպքում՝ ներկա գտնվել առևտրային հաշվիչի աշխատանքի ճշտության ստուգման, ստուգաչափման աշխատանքներին:

4. Սպառողը պարտավոր է՝

- 1) վճարել նախորդ ամսվա ընթացքում մատուցված բաշխման ծառայության և երաշխավորված մատակարարի կողմից մատակարարված էլեկտրական էներգիայի քանակի և արժեքի համար՝ սույն պայմանագրի 2-րդ կետի 3-րդ ենթակետով սահմանված տեղեկատվությունը հասանելի դառնալուց հետո՝ առևտրային կանոններով սահմանված ժամկետում:
- 2) բաշխված և (կամ) մատակարարված էլեկտրական էներգիան օգտագործել իր կողմից ներկայացված ակցեպտում նշված նշանակությամբ:
- 3) ապահովել իր սպառման համակարգում գտնվող էլեկտրատեղակայանքների պահպանման, սպասարկման և շահագործման անվտանգությունը:
- 4) չխախտել բաշխողի սեփականությունը հանդիսացող առևտրային հաշվառքի սարքի, դրա կնիքների և տեղակայման արկղի ամբողջականությունը, խախտումներ հայտնաբերելու դեպքում անհապաղ հայտնել բաշխողին:
- 5) պահպանել ակցեպտում նշված սպառման ռեժիմը, չգերազանցելով առավելագույն հզորությունը,
- 6) ապահովել իր էլեկտրակայանքներից սնվող ենթասպառողների կամ բաշխման ցանցի գծի էլեկտրաէներգիայի անխափան առաքումը և ստանալ փոխհատուցում բաշխողից՝ հանձնաժողովի կողմից սահմանված կարգով,
- 7) կատարել բաշխողի օպերատիվ անձնակազմի ցուցումները՝ ցանցային կանոններով սահմանված կարգով և դեպքերում:
- 8) անհապաղ տեղեկացնել բաշխողին՝ իրեն էլեկտրական էներգիայի երաշխավորված մատակարարումն սկսելու կամ դադարեցնելու վրա ազդող՝ իրեն հայտնի դարձած բոլոր գործողությունների ու իրադարձությունների մասին, ներառյալ (սակայն չսահմանափակվելով դրանցով) հետևյալ հանգամանքները՝
 - ա. մատակարարի հետ էլեկտրական էներգիայի մատակարարման պայմանագրի կնքում, ինչպես նաև լուծում:
 - բ. սպառողից անկախ պատճառներով՝ իր ընտրած մատակարարի կողմից էլեկտրական էներգիայի մատակարարման դադարեցում, ինչպես նաև վերսկսում:
- 9) իր սեփականությունը հանդիսացող էլեկտրամատակարարվող տարածքը վաճառելու կամ այլ կերպ օտարելու դեպքում դիմել բաշխողին՝ վերջնահաշվարկ կատարելու, էլեկտրական էներգիայի բաշխումը դադարեցնելու և պայմանագիրը լուծելու համար, ինչի վերաբերյալ բաշխողը տեղեկանք է տալիս սպառողին:

5. Սպառողն իրավունք ունի՝

- 1) կնքել առևտրային հաշվառքի սարքը, դիմել բաշխողին՝ ստուգելու առևտրային հաշվառքի սարքի ճշտությունը, մասնակցել առևտրային հաշվառքի սարքի աշխատանքի ճշտության ստուգման հետ կապված բոլոր աշխատանքներին, այդ թվում նաև՝ ստուգաչափմանը, ցանցային կանոններով սահմանված կարգով առևտրային հաշվառքի սարքի ճշտության ստուգումը պատվիրել նման իրավասություն ունեցող այլ կազմակերպությունների: Սպառողի կողմից առևտրային հաշվառքի սարքը կնքելու դեպքում բաշխողն այդ մասին կատարում է համապատասխան գրառում սպառողի համար բացված անձնական էջում:
 - 2) դիմել Բաշխողին իր առևտրային հաշվառքի սարքի ապահովաքակցման և փոխարինման համար:
 - 3) դիմել Բաշխողին՝ մասնակցելու առևտրային (վերստուգիչ) հաշվառքի սարքի ցուցմունքի գրանցմանը՝ ցանցային կանոններով սահմանված կարգով:
6. Սպառողը սույն պայմանագրի 2-րդ կետի 15-րդ ենթակետով սահմանված հանգամանքների առաջանալու դեպքում տալիս է իր համաձայնությունը, որ մինչև այլ մատակարարի հետ պայմանագրի կնքումը երաշխավորված մատակարարը էլեկտրաէներգիա սպառողին վաճառելու է առևտրային կանոնների համաձայն որոշված գնով:

3. ԲԱՇԽՄԱՆ ԾԱՌԱՅՈՒԹՅԱՆ ԵՎ ՄԱՏԱՐԱԿԱՐՎԱԾ ԷԼԵԿՏՐԱԿԱՆ ԷՆԵՐԳԻԱՅԻ ԳԻՆԸ, ՔԱՆԱԿԻ ԵՎ ԱՐԺԵՔԻ ՀԱՇՎԱՐԿԸ, ՎՃԱՐՄԱՆ ԿԱՐԳԸ

7. Սպառված էլեկտրական էներգիայի քանակը, բացառությամբ սույն պայմանագրի 8-րդ կետով նախատեսված դեպքի, որոշվում է հաշվարկային ամսում սպառողի առևտրային հաշվառքի սարքի գրանցած ցուցմունքների տարբերությամբ կամ այդ տարբերությունը չափիչ տրանսֆորմատորների տրանսֆորմացիայի գործակիցների արտադրյալով բազմապատկելու միջոցով:
8. Եթե առևտրային հաշվառքի սարքն անմիջապես գրանցում է հաշվարկային ժամանակահատվածում ծախսված էլեկտրական էներգիայի քանակը, ապա որպես հաշվարկային ամսվա ընթացքում սպառված՝ ընդունվում է էլեկտրական էներգիայի այդ քանակը:
9. Առևտրային հաշվառքի սարքի ցուցմունքը գրանցում է բաշխողը՝ ցանցային կանոններով սահմանված կարգով և ժամկետում:
10. Առևտրային հաշվառքի սարքի խախտման (էլեկտրական էներգիայի քանակության սխալ գրանցման) դեպքում սպառված էլեկտրական էներգիայի քանակությունը որոշվում է հաշվարկային եղանակով՝ համաձայն ցանցային կանոնների պահանջների:
11. Հաշվարկային ամսվա ընթացքում սպառողի սպառած էլեկտրական էներգիայի արժեքը որոշվում է Հանձնաժողովի կողմից սահմանված սակագների և սպառված էլեկտրական էներգիայի քանակության արտադրյալով, բացառությամբ սույն պայմանագրի 6-րդ կետով սահմանված դեպքերի: Հանձնաժողովի կողմից էլեկտրական էներգիայի սակագնի փոփոխման դեպքում նոր սակագինն ուժի մեջ է մտնում հանձնաժողովի սահմանած ժամկետից:

12. Սպառողը նախորդ ամսվա ընթացքում սպառված էլեկտրական էներգիայի արժեքը վճարում է իր կողմից սպառված էլեկտրական էներգիայի քանակի և արժեքի մասին բաշխողի կողմից սույն պայմանագրի 2-րդ կետի 3-րդ ենթակետի համաձայն տեղեկատվությունը տեղադրվելուց հետո, առևտրային կանոններով սահմանված ժամկետում, սույն պայմանագրի վավերապայմաններում նշված՝ սպառված էլեկտրական էներգիայի դիմաց վճարման համար նախատեսված բանկային հաշվին:
13. Հաշվարկային փաստաթղթում սխալ հայտնաբերելու դեպքում սխալը հայտնաբերած կողմը փաստի մասին տեղեկացնում է մյուս կողմին: Անհամաձայնության դեպքում կողմը առևտրային կանոններով սահմանված ժամկետում մյուս կողմին գրավոր ներկայացնում է իր պարզաբանումները՝ համապատասխան հիմնավորումներով: Հաշվարկային փաստաթղթում սխալի փաստը հաստատվելու դեպքում բաշխողն ուղղումը հաշվի է առնում հաջորդ ամսվա համար ներկայացվող հաշվարկային փաստաթղթում:
14. Սույն պայմանագրի համաձայն՝ բաշխողի հանդեպ սպառողի դրամական պարտավորությունների առկայության դեպքում սպառողի վճարումներն առաջնահերթ ուղղվում են հիմնական պարտավորության մարմանը՝ ըստ դրա վճարման համար սահմանված ժամկետի վաղեմության, հետո միայն հաշվարկված տույժի մարմանը:
15. Բաշխողի հանդեպ դրամական պարտավորությունների բացակայության դեպքում սպառողի վճարումները որպես կանխավճար ուղղվում են ապագայում առաջացող պարտավորությունների կատարմանը՝ համաձայն սույն պայմանագրի 14-րդ կետի:

4. ՏԵՂԵԿԱՏՎՈՒԹՅԱՆ ՀԱՍԱՆԵԼԻՈՒԹՅՈՒՆ ԵՎ ԳԱՂՏՆԻՈՒԹՅՈՒՆ

16. Կողմերի միջև միմյանց տրամադրման ենթակա ցանկացած և բոլոր տեղեկությունները փոխանցվում (հրապարակվում) են առևտրային և ցանցային կանոններով սահմանված կարգով:
17. Կողմերի կողմից տրամադրման ենթակա տեղեկատվությունը չներկայացնելու, ուշացնելու, կեղծ կամ թերի տեղեկատվություն ներկայացնելու դեպքերում ցանկացած կողմ պատասխանատվություն է կրում պատճառված վնասների համար:
18. Կողմերին հայտնի դարձած ողջ տեղեկատվությունը նրանց կողմից կարող է օգտագործվել բացառապես սույն պայմանագրի կատարմանն ուղղված նպատակներով:
19. Կողմերի՝ միմյանց ներկայացվող տեղեկատվությունը հրապարակային է, եթե այն ներկայացրած անձի կողմից չի համարվում գաղտնի և նշված չէ որպես «Գաղտնապահական տեղեկատվություն»՝ համաձայն ՀՀ օրենսդրության պահանջների: Գաղտնիք պարունակող տեղեկատվություն ստանալիս և այն օգտագործելիս դեպքում՝ համապատասխան անձն ապահովում է դրա գաղտնիությունը և պատասխանատվություն կրում դրա ոչ օրինական հրապարակման համար:
20. Սույն պայմանագրի կողմն իրավասու է բացահայտել գաղտնիք պարունակող տեղեկատվությունը օրենքով սահմանված դեպքերում և կարգով:

5. ՊԱՅՄԱՆԱԳՐԻ ԳՈՐԾՈՂՈՒԹՅՈՒՆԸ

21. Պայմանագիրն ուժի մեջ է՝ Ակցեատը Բաշխողի կողմից հաստատելու պահից: Հանձնաժողովի կողմից էլեկտրական էներգիայի բաշխման ծառայության մատուցման և էլեկտրական էներգիայի երաշխավորված մատակարարման պայմանագրի նոր օրինակելի ձև հաստատվելու կամ փոփոխություններ կամ լրացումներ կատարվելու դեպքում Հանձնաժողովի սահմանած ժամկետում, բաշխողի կողմից սպառողին պաշաճ կերպով ծանուցելով՝ սույն պայմանագիրը համարվում է վերակնքված կողմերի միջև:
22. Սույն պայմանագիրը կնքվում է անորոշ ժամկետով, բացառությամբ՝ առևտրային կանոններով սահմանված դեպքերի: Եթե առևտրային կանոններով տվյալ դեպքի համար նախատեսված է ժամանակավոր պայմանագրի կնքում, ապա դրա գործողության ժամկետը լրանալուց մեկ ամիս առաջ կողմերից յուրաքանչյուրը կարող է ծանուցել մյուս կողմին պայմանագրի գործողության դադարեցման մասին: Եթե ժամկետի ավարտից հետո սպառողը բաշխողի ծանուցման բացակայությամբ շարունակում է սպառել էլեկտրական էներգիա, ապա սույն պայմանագրի գործողությունը համարվում է երկարաձգված՝ նույն պայմաններով և նույն ժամկետով:
23. Էլեկտրական էներգիայի երաշխավորված մատակարարումը կարող է դադարել սպառողի դիմումի համաձայն՝ առևտրային կանոններով սահմանված կարգով:
24. Պայմանագիրը լուծվում է՝
- 1) կողմերի փոխադարձ համաձայնությամբ.
 - 2) սպառողի կողմից միակողմանի՝ այդ մասին բաշխողին տեղեկացնելու և երաշխավորված մատակարարի կողմից մատակարարված էլեկտրական էներգիայի և մատուցված բաշխման ծառայության դիմաց ամբողջությամբ վճարելու պայմանով
 - 3) բաշխողի կողմից միակողմանի՝ Սպառողի կողմից սույն պայմանագրի սահմանված ժամկետում վճարումներ չկատարելու, ինչպես նաև Հայաստանի Հանրապետության օրենքներով, առևտրային և ցանցային կանոններով սահմանված դեպքերում և սույն պայմանագրով նախատեսված դեպքերում՝ այդ մասին Սպառողին նախապես տեղեկացնելու պայմանով:
25. Սույն պայմանագրում կողմերի փոխադարձ համաձայնությամբ, այդ թվում՝ առևտրային և ցանցային կանոններով նախատեսված դեպքում փոփոխություններ կարող են կատարվել գրավոր, պայմանով, որ չեն հակասում սույն պայմանագրին, առևտրային և ցանցային կանոններին, Հանձնաժողովի ընդունած և այլ իրավական ակտերին:
26. Սույն պայմանագրի փոփոխումը կամ դադարումը կողմերին չի ազատում մինչ այդ պայմանագրով ստանձնած և չկատարված պարտավորությունների կատարումից:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

27. Սույն պայմանագրով սահմանված պարտավորությունները չկատարելու կամ ոչ պատշաճ կատարելու դեպքում կողմերը պատասխանատվություն են կրում Հայաստանի Հանրապետության օրենքներով, առևտրային և ցանցային կանոններով, ինչպես նաև սույն պայմանագրով սահմանված կարգով:

28. Եթե սպառողին էլեկտրական էներգիայի բաշխումն և (կամ) երաշխավորված մատակարարումն իրականացվել է սպասարկման որակի սահմանված պահանջների խախտմամբ, ապա Բաշխողը պարտավոր է առևտրային և ցանցային կանոններով սահմանված կարգով սպառողին վճարել տույժ:
29. Սպառողի (բացառությամբ բնակչության) կողմից սույն պայմանագրի 4-րդ կետի 1-ին ենթակետի համաձայն վճարման ժամկետը խախտելու դեպքում բաշխողն իրավունք ունի սպառողից պահանջել վճարելու տույժ՝ ժամկետանց յուրաքանչյուր օրվա համար չվճարված գումարի 0.1 տոկոսի չափով, բայց ոչ ավելի, քան չվճարված գումարի 10 տոկոսը:
30. Առևտրային հաշվառքի սարքի շրջանցումով սպառողի կողմից էլեկտրաէներգիա սպառելու դեպքում սպառված էլեկտրաէներգիայի քանակը որոշվում է Հայաստանի Հանրապետության կառավարության որոշմամբ սահմանված կարգով:
31. Կողմը պատասխանատվություն չի կրում, եթե ապացուցում է, որ պատշաճ կատարումը անհնար է եղել ֆորս մաժորի հետևանքով: Ֆորս մաժոր համարվող իրավիճակները, ինչպես նաև դրանց կիրառման կարգը սահմանվում է ցանցային կանոններով:

7. ՎԵՃԵՐԻ ԼՈՒԾՈՒՄԸ

32. Սույն պայմանագրի առնչությամբ Կողմերի միջև ծագած վեճերը լուծվում են բանակցությունների միջոցով, իսկ Կողմերից մեկի գրավոր դիմումի դեպքում՝ Հանձնաժողովի միջնորդությամբ:
33. Սույն պայմանագրի 32-րդ կետը չի սահմանափակում Կողմերի իրավունքը՝ վեճերը լուծելու դատական կարգով:

8. ԲԱՇԽՈՂԻ ՎԱՎԵՐԱՊԱՅՄԱՆՆԵՐԸ

ԲԱՇԽՈՂ՝

ԳՏՆՎԵԼՈՒ ՎԱՅՐԸ՝

ՀԵՌԱԽՈՍ՝

ԷԼ. ՓՈՍՏ՝

ՀՎՀՀ՝

Սպառված էլեկտրական էներգիայի դիմաց հ/հ՝

Բանկ՝

ԳՈՐԾՈՒՆԵՈՒԹՅԱՆ ԼԻՑԵՆԶԻԱ N՝

Հավելված N 1
Էլեկտրական էներգիայի բաշխման ծառայության
մատուցման և էլեկտրական էներգիայի երաշխավորված
մատակարարման պայմանագրի (հրապարակային օֆերտա)

ԱԿՑԵՊՏ

**ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԾԱՌԱՅՈՒԹՅԱՆ ՄԱՏՈՒՑՄԱՆ ԵՎ
ԷԼԵԿՏՐԱԿԱՆ ԷՆԵՐԳԻԱՅԻ ԵՐԱՇԽԱՎՈՐՎԱԾ ՄԱՏԱԿԱՐԱՐՄԱՆ
ՊԱՅՄԱՆԱԳՐԻ (ՕՖԵՐՏԱՅԻ)**

1. Սույն ակցեպտով ստորև նշված Սպառողը լրիվ և անվերապահորեն ընդունում է Էլեկտրական էներգիայի բաշխման ծառայության մատուցման և էլեկտրական էներգիայի երաշխավորված մատակարարման մասին բաշխողի օֆերտայի բոլոր պայմանները՝ հայտնելով իր անհրաժեշտ և բավարար կամահայտնությունը՝ հիշյալ պայմաններով բաշխողի հետ կնքելու ստորև նշված սպառման համակարգին հետևյալ նպատակային նշանակությամբ օգտագործման համար (ժամկետով) Էլեկտրական էներգիայի բաշխման ծառայության մատուցման և էլեկտրական էներգիայի երաշխավորված մատակարարման մասին պայմանագիր.
2. Սպառողի տվյալները.

ՍՊԱՌՈՂ՝

անուն (անվանում)՝ _____
անձը հաստատող փաստաթղթի տվյալներն ու օրինակը (պետական գրանցման
վկայականի համարն ու օրինակը)՝ _____
ՀԾՀ (ՀՎՀՀ)՝ _____
հաշվառման (գտնվելու) վայրի հասցե՝ _____

Ծանուցման տվյալներ.

փոստային հասցե՝ _____
Էլեկտրոնային փոստի հասցե՝ _____
հեռախոսահամար՝ _____

Բանկային տվյալներ.

բանկ՝ _____
հաշվեհամար՝ _____

3. Սպառման համակարգի հասցե՝ _____
4. Սպառման համակարգի տեղակայման տարածքի (շենքի, շինության) նկատմամբ
իրավունքները կամ իրավունքների ձեռքբերումը հավաստող (հաստատող) փաստաթուղթ
բնակիչ բաժանորդի դեպքում, իսկ իրավաբանական անձի դեպքում՝ սպառման
համակարգի տեղակայման տարածքի (շենքի, շինության) նկատմամբ իրավունքները
հավաստող (հաստատող) փաստաթուղթ՝ _____
5. Սպառման տեսակը (կենցաղային, ոչ կենցաղային) _____
6. Այլ տվյալներ _____
- _____

Սպառող՝ _____
(ստորագրություն)